

مش هاتبقى

يامصر عزبه  
مش هاتبقى يامصر عزبه  
ولا لقمه ف ايد كلاب  
ولا حتى ف ايد هفيه  
يتقفل قدامه باب  
لا هاتبقى يامصر حره  
وتلبسى احلى الثياب  
زفه بلدى ف كل حاره  
ولا شارع او زقاق  
م النهارده الثوره خلت  
كل كلب ف يوم يخاف  
واللى كان ينهش ف ارضك  
م النهارده اعتبره مات  
مصر لما تقول ياشعبى  
كلنا واقفين ثبات  
شيل سلاحك واحمى ارضى

توعى تيجى ف يوم تخاف  
مصر ده انتى حتة منى  
واغلى م العمر اللى فات  
مش كتير عليكى دمي  
المهم تبقى ف امان  
مش هاتبقى يامصر عزبه  
مش هاتبقى يامصر عزبه  
ولا لقمه ف ايد كلاب  
ولاحتى ف ايد هفيه  
يتقفل قدامه باب  
لا هاتبقى يامصر حره  
وتلبسى احلى الثياب  
مش هاتبقى يامصر عزبه